


29. apríl 2015

Vísitala neysluverðs hækkar um 0,14% í apríl

Vísitala neysluverðs (VNV) hækkaði um 0,14% í apríl en greiningaraðilar höfðu ýmist spáð að verðlag stæði í stað milli mánaða eða myndi hækka um 0,1%. Ársverðbólgan mælist því 1,4% um þessar mundir en árshækkun kjarnavísitölu 1 nemur 1,9%. Verðbólguþrýstingin má að miklu leyti rekja til hækkunar á húsnæðisverði en matarkarfan hefur einungis hækkað lítillega frá áramótum og ýmsar innfluttar vörur lækkað í verði eða staðið í stað. Lítið frávik var á milli mældrar hækkunar í apríl og okkar spár, en það skýrist aðallega af hækkun húsnæðis- og leiguverðs umfram okkar spá (+0,12% áhrif á VNV) en á hinn bóginn lækkuðu fót og skór (-0,05% áhrif á VNV). Eldsneytisverð hækkaði í takt við spár (+0,03% áhrif á VNV) en aðrir liðir breyttust lítillega.



Heimildir: Hagstofa Íslands, spá Greiningardeildar Arion banka

Bráðabirgðaspá okkar fyrir næstu mánuði hækkar lítillega frá því í mars og stafar það af áframhaldandi hækkun húsnæðisverðs, hækkandi eldsneytisverði og hækkun flugfargjalda. Við gerum ráð fyrir að verðlag hækki um 0,3% í maí og júní. Þá áætluð við að verðlag lækki um 0,3% í júlí í kringum sumarútsölur og ársverðbólgan mun þá standa í 1,5% í júlí.

Helstu atriði í apríl mælingunni:


- **Ekkert lát á hækkun húsnæðisverðs.** Húsnæðisverð um land allt hækkar um 0,7% milli mánaða (+0,09% áhrif á VNV) og hefur hækkað um 8,6% undanfarna 12 mánuði eða yfir 7% að raunvirði. Þá hefur hækkun á verði sérþýlis verið fyrirferðamikil undanfarna mánuði og má áætla að hækkun húsnæðisverðs haldi áfram yfir sumarmánuðina. Greidd húsaleiga hækkaði einnig í mánuðinum um 0,61% (+0,03% áhrif á VNV). **Áhrif á VNV: +0,12%**
- **Eldsneytisverð hækkar.** Verð á bensíni hækkar um 1,16% en verð á dísel lækkar um 0,51% (samalt +0,03% áhrif á VNV) og er það í takt við spár greiningaraðila. Heimsmarkaðsverð á olíu hefur farið hækkandi undanfarna vikur og kostar tunnan af Brent Norðursjávarolíu nú 65 bandaríkjadali og hefur hækkað um 9 dali frá því um miðjan mars mánuð. Spár gera ráð fyrir að olíutunnan kunni að hækka í 70 dali og ef sú spá rætist mun sú þróun skila sér í herra eldsneytisverði innanlands. **Áhrif á VNV: +0,03%.**
- **Ferðaliðurinn stendur í stað.** Flugfargjöld til útlanda hækka um 4,39% milli mánaða (+0,06% áhrif á VNV) en flugfargjöld innanlands lækka um 4,27% (-0,01% áhrif á VNV). Á móti hækkun

flugfargjalda til útlanda vegur að kaup á ökutækjum hafði -0,05% áhrif til lækkunar á VNV. Liðurinn í heild stendur því í stað. **Áhrif á VNV: 0,0%.**

- **Föt og skór lækka en húsgögn og heimilisbúnaður hækka.** Föt og skór lækkuðu í mánuðinum um 1,07% (-0,05% áhrif á VNV) öfugt við okkar spá en húsgögn og heimilisbúnaður hækkuðu á móti um 1,01% (+0,04% áhrif á VNV). **Áhrif á VNV: -0,01%.**
- **Aðrir liðir hafa minni áhrif.** Minni breyting er á öðrum liðum í mánuðinum en tómstundir og menning hækka lítillega (+0,02% áhrif á VNV). Á móti vegur að póstur og sími lækka (-0,02% áhrif á VNV). **Áhrif á VNV: 0,0%.**

Ársverðbólgan mjakast upp á við í maímánuði

Helsta breyting á bráðabirgðaspánni er sú að eldsneytisverð hefur hækkað að undanfögnu um tæp tvö prósent og mun sú hækkun skila sér í mælingu í maí mánuði. Verð á flugfargjöldum til útlanda hækkaði í apríl en búast má við að flugfargjöld haldi áfram að hækka í verði í maí. Jafnframt má áætla að húsnæðisverð haldi áfram að hækka og eru því fleiri samverkandi þættir sem ýta verðbólguþáttum fyrir maí mánuð upp á við. Að því gefnu að gengi krónunnar haldist stöðugt næstu mánuði mun ársverðbólgan standa í 1,5% í júlí en fara svo hækkanði með haustinu og fara yfir verðbólguþáttum Seðlabankans á síðasta ársfjórðungi.




Heimild: Hagstofa Íslands

Helstu atriði í bráðabirgðaspánni:

- **Maí +0,3%.** Áætlað er að eldsneytisverð, ferðaliðurinn og húsnæði hækki áfram en matarkarfan lækki lítillega. Minni breytingar verða á öðrum liðum.
- **Júní +0,3%.** Við spáum að matarkarfan hækki ásamt ferðaliðnum en minni breytingar verði á öðrum liðum.
- **Júlí -0,3%.** Sumarútsölurnar hefjast þar sem föt og skór lækka helst í mánuðinum. Einnig er áætlað að húsnæði hækki áfram í verði og að matarkarfan hækki.

Bráðabirgðaspá Greiningardeildar



Heimildir: Hagstofa Íslands, spá Greiningardeildar Arion banka

Greiningardeild Arion banka

Anna Hrefna Ingimundardóttir
anna.ingimundardottir@arionbanki.is

Elvar Ingi Möller
elvar.moller@arionbanki.is

Hrafn Steinarsson
hrafn.steinarsson@arionbanki.is

Konráð S. Guðjónsson
konrad.gudjonsson@arionbanki.is

Stefán Broddi Guðjónsson
stefan.gudjonsson@arionbanki.is

Forstöðumaður

Regína Bjarnadóttir
regina.bjarnadottir@arionbanki.is
444-6969

[Hér má finna fyrirvara](#)